

## **De Probatis|| Sanctorvm|| Historiis**

Partim|| Ex Tomis Aloysii Lipoma-||ni, Doctissimi Episcopi, Partim Etiam||  
Ex Egregiis Manvscriptis Codicibvs, Qvarvm permultæ antehàc nunquàm  
in lucem prodiêre

Complectens Sanctos Mensivm || Martii Et Aprilis

**Surius, Laurentius**

**Coloniae Agrippinae, 1576-**

**VD16 S 10259**

De S. Apollonio senatore martyre.

---

[urn:nbn:de:hbz:466:1-77384](https://nbn-resolving.de/urn:nbn:de:hbz:466:1-77384)

**S. APOLLONII, SENATORIS ELOQVENTISSIMI, PRAECLARVM MARTYRIVM, AVTHORE  
Eusebio Cesareensi, Eccles. Historiae lib. 5. cap. 20. interprete do-  
ciliissimo viro Iohanne Christophorono.**

18. Aprilis.

Pax Eccle-  
siæ sub Cō-  
modo Im-  
peratorc.

Penca in  
delatores  
Christia-  
norum.

S. Apolloni-  
us securi per  
cutitur.

Lobiense  
monasteriū  
est in Came-  
racensi dice-  
cti apud  
Binchium.

Anso scri-  
psit vitam  
S. Vrsmari.



Odem tempore, Commodo Imperium Romanum gubernante, nostra religio ad pacatum & trāquillum statum traducta fuit, & pax (diuina gratia largiente) omnes ecclesiæ in toto terrarum orbe occupauit. Quo quidem tempore salutaris Dei sermo hominum mentes cuitusque generis adeò attraxit ad piam Dei, rerum omnium conditoris, religionem cultumque, ut iam Romæ complures & generes illustres, & rerum affluentia admodum locupletati, vna cum omni familia & cognatione sua, se ad suam ipsorum salutem amplexandam reciperent. Verùm istud virtutis hosti, & inuidia natura sua exæstuant diabolo minime ferendum videbatur: & propterea varias deintegrò machinas contra nos aflare fabricare aggressus est. Nam Apollonij, virum inter fideles politioris literaturæ studijs & philosophiæ notitia plurimū celebratum, in iudicium adducit: & vnum ex eiusdem Apollonij seruis, ad hanc rem valde accommodatum, qui hominem accuset, excitat. Cæterū huic misero ac perditō intempestiū & incommode in iudicium ad Christianum accusandum ingredienti, aëtutum (quoniam indices, qui Christianorum nomina solum, quia Christiani essent, deferebant, Imperatoris edictum neci dare mandauerat) crura suffringebantur, Perennio iudice contra eum talem sententiam pronunciante. Iste autem Deo charissimus martyr, cùm iudex ab illo obnoxie petiisset flagitias, ut fidei suæ rationem corā Senatu redderet, simulatq; accuratissimam orationem apologeticam pro fidei, quam profitebatur, defensione coram omnibus recipiasset, sententia Senatus securi percussus, decepit è vita. quippe vetus lex apud illos existabat, Christianos, qui semel in iudicio comparuerant, nisi professionis suæ sententiam mutarent, non omnino liberos dimittendos esse. Istius vero coram iudice verba & responsa, quæ ad Perennij rogata dabat, & orationem apologeticam apud Senatum habitam, si cui lubitum sit accurate cognoscere, ex libro nostro, quem de veteribus martyribus composuimus, manifestò intelliget.

**VITA S. VRSMARI EPISCOPI ET CON-  
FESSORIS, AVTHORE RATHERIO VERO-  
nenſi Episcopo.**

**PRÆFATIO AVTHORIS.**



Omnis reuerendissimis, patribus dilectis, & doctoribus eruditis, cuncto etiam Christicolarum gregi, in Laubiensi cœnobio degenti, Ratherius, eiusdem cœnobij quandam monachus, modò vero Veronensum episcopus, vtroque hoc licet diuinitatis dono indigetus, ea in Domino, quæ suis ipse fidelibus parauit ab initio. Apud venerabilem nupèr sanctæ Cumanae Ecclesia iusto Dei iudicio exulans episcopum, reperi libellum, pauca de virtutibus continentē domini ac specialis patroni nostri, sancti videlicet Vrsmari Episcopi: continentia rerū quidem, auro obrizo topazioque preferenda: locutionis vero solocismis ita pro sui modulo refertissima, vt nōsse difficile fuerit, vtrum scriptoris negligentia, an dictatoris id contigerit insipientia. Quod cùm non parùm pro tempore nos offendisset, curauimus ea eiusdem operis solummodo corrigerem vitia, quibus aut in sensu lectoris naufragare poterat intellectus, aut quæ nimia sui deformitate fastidium ingererent audientibus. Simplex autem, &c, vt ita dicamus, penè rusticus cùm totus sermonis textus altum videri possit sapientibus, à nobis ideo minimè penitus visus est comitandus, quia & sanctarum authores scripturarum ferulas contemnere nouimus grammaticorum: & doctrinam simplicem pescatorum, quām sophismata philosophorū, Deo magis placuisse, in salutione conuersarum vbique cernimus nationum. Epistolaris vero præfatio cuiusdam Antonis, sancti, vt credi potest, quanquam non adeò diserti viri, quam eidem suo operi præpo-